



NVE

SFE PRODUKSJON AS
c/o Sogn og Fjordane Energi AS, Sørstrandsvegen 227
6823 SANDANE

Vår dato: 23.06.2025
Vår ref.: 202513647-2 Oppgi ved kontakt
Dykkar ref.:

NVE gir løyve til mellombels fråvik frå manøvreringsreglementet for Mel kraftverk i Vetlefjordelvi i Sogndal kommune, Vestland fylke

Vi viser til søknad av 20.06.2025 om løyve til fråvik frå krav i manøvreringsreglement om jamn driftsvassføring. Først i brevet finn du NVE sitt vedtak med tilhøyrande vilkår. Deretter kan du lese om tiltaket og NVE si grunngeving for vedtaket.

NVE sitt vedtak

NVE gir løyve til at SFE Produksjon AS kan fråvike kravet om jamn driftsvassføring i perioden 24.06.2025-25.06.2025.

Vedtaket er gitt i medhald av vassressurslova § 8.

NVE stiller følgjande vilkår

- Vassføringssendingane skal gjerast så skånsamt som mogleg, slik at stranding av fisk og andre vasslevande organismar blir minimerte eller unngått i størst mogleg grad.
- SFE Produksjon AS skal observere og dokumentere variasjonane i vassføring. Det skal meldast frå til NVE når tiltaket er gjennomført.
- SFE Produksjon AS skal sikre at det er tilstrekkeleg vassføring i Vetlefjordelvi for å minimere eventuelle konsekvensar.
- Perioden med avvik må gjerast så kort som mogleg. Jamn driftsvassføring skal skje så raskt som mogleg etter at arbeida er avslutta.
- Ramma partar skal så langt det lar seg gjøre kontaktast direkte for å bli informerte om tiltaket. Informasjon om tiltaket skal i tillegg publiserast på relevante nettsider, som nettsida til selskapet og sosiale medium.
- NVE føreset at SFE har ordna dei privatrettslege forholda som eventuelt måtte bli skadelidande av tiltaket.
- Ved brot på dei fastsette reglane gitt i lova eller i medhald av lova, pliktar konsesjonæren etter krav frå NVE å føre forholda i lovleg orden. NVE kan fastsetje tvangsmulkt ved brot på reglane i konsesjonen eller andre reglar med heimel i lov.

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett:

www.nve.no

Org.nr.: NO 970 205 039 MVA Bankkonto: 7694 05 08971



NVE

Norges vassdrags-
og energidirektorat

Løyvet er gitt i medhald av vassressurslova § 8.

Høve til å klage

Vedtaket kan klagast på. Sjå opplysningar om rett til å klage på siste side.

Om søknaden

SFE Produksjon AS søker om avvik frå krav om jamn driftsvassføring i Vetlefjordelvi i gjeldande manøvreringsreglement fastsett i kronprinsregentanes resolusjon av 12. mars 2004. Fråviket er planlagt i perioden 24.06.2025-25.06.2025. SFE grunnjev valt tidspunkt med at det ikkje er krav til storleik på vassføringa i juni månad.

Turbinregulatoren har vorte skifta ut i Mel kraftverk i Sogndal. I samband med testing av ny turbinregulator er det behov for å køyre prøver i ulike lastområde og med brå lastendringar. Konkret gjeld dette avslagsprøver frå 25 %, 50 %, 75 % og 100 % last. Ved å køyre effekt opp og ned i kraftverket blir driftsvassføringa ujamn.

SFE Produksjon seier at testinga vil skje i løpet av ein dag der elva er «breiddfull». Avløpstunellen er 1,6 km lang og SFE vil regulere luke i enden av avløpstunellen aktivt for å dempe dei naturlege variasjonane i vassføring ut i elva. De foreslår også avbøtande tiltak som å sleppe vatn frå inntaksmagasinet Nedre Svartevassvatn og eventuelt stenge bekkeinntak. SFE skriv at dette vil gje høgare vassføring i Vetlefjordelvi og redusere dei negative konsekvensane for fisk.

Høyring

På grunn av den omgåande nødvendigheita av tiltaket og avgrensa verknader har vi ikkje funne behov for ei høyring, jf. vassressurslova § 24 andre ledd bokstav a.

NVE si vurdering

NVE kan gi løyve til å fråvike eit manøvreringsreglement etter vassressurslova § 8 når formålet er nødvendig reparasjons- og vedlikehaldsarbeid. Tiltaket fell etter vårt syn inn under dette formålet.

Manøvreringsreglementet stiller krav om at driftsvassføringa i kraftverket skal være så «jamn som mogleg». NVE vurderer at tiltaket som SFE søker om er nødvendig og at det derfor ikkje er mogleg med jamn driftsvassføring frå kraftverket i perioden det vart søkt om.

SFE har foreslått avbøtande tiltak som vil sikre vassføring i Vetlefjordelvi under tiltaket og dermed vil totalvassføringa nedstraums kraftverksavløpet ha det SFE reknar som akseptable variasjonar. NVE vurderer at perioden for avviket er kortvarig og sannsynlegvis ikkje vil gi vesentlege negative konsekvensar for fisk eller botndyr. Sjølv om tiltaket inneberer brå lastendringar, vil NVE påpeike at vassføringsendringar bør skje så gradvis som mogleg for å unngå stranding av fisk. Så langt NVE kjenner til er det ikkje ytterlegare risiko for skade på naturmiljø eller andre allmenne interesser i eller rundt vassdraget.

NVE meiner at vurderingane er i tråd med prinsippa i naturmangfaldlova som skal varetakast når vedtak treffest, jf. naturmangfoldloven §§ 8-12. NVE vil i samband med dette påpeike at tiltaket er mellombels og at tiltaket kan godkjennast med dei avbøtande tiltaka som SFE har foreslått. NVE



NVE

Norges vassdrags-
og energidirektorat

kan heller ikke sjå at tiltaket er i strid med forvaltningsmålet for artar eller økosystem, jf. naturmangfoldloven §§ 4 og 5.

NVE kan ikke sjå at fråviket frå krav om jamn driftsvassføring er til skade for nokon kjende allmenne interesser, gitt avbøtande tiltak.

NVE sin oppsummering og konklusjon

NVE vurderer konsekvensane av fråvik frå jamn driftsvassføring som akseptable, gitt lengda av tiltaket og avbøtande tiltak.

NVE gir løyve etter vassressurslova § 8 til at SFE Produksjon AS kan fråvike kravet i konsesjonen om jamn driftsvassføring i perioden 24.06.2025-25.06.2025.

Med helsing

Ylva Bencze Rørå
fagleder

Oscar Østvold
førstekonsulent

Dokumentet sendes uten underskrift. Det er godkjent i henhold til interne rutiner

Mottakarliste:

SFE PRODUKSJON AS

Kopimottakarliste:

SFE PRODUKSJON AS - BJARTE HAUGE
STATSFORVALTAREN I VESTLAND
VESTLAND FYLKESKOMMUNE
SOGNDAL KOMMUNE



NVE

Norges vassdrags-
og energidirektorat

Orientering om rett til å klage

Frist for å klage	<p>Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket.</p> <p>Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.</p>
Du kan få grunngjeving for vedtaket	<p>Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.</p>
Kva skal med i klagen?	<p>Klagen bør vere skriftleg. I klagen må du:</p> <ul style="list-style-type: none">• Skrive kva for vedtak du klagar på.• Skrive kva for eit resultat du ønsker.• Opplyse om du klagar innanfor fristen.• Underteikne klagen. Dersom du brukar ein fullmektig, kan fullmektigen underteikne klagen. <p>I tillegg bør du grunngje klagen. Dette betyr at du bør forklare kvifor du meiner vedtaket er feil.</p>
Du kan få sjå dokumenta i saka	<p>Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.</p>
Vilkår for å gå til domstolane	<p>Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klagt på vedtaket til NVE, og klagen er avgjort av Energidepartementet (ED) som overordna forvaltingsmyndigheit.</p> <p>Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.</p>
Sakskostnader	<p>Dersom NVE eller ED endrar vedtaket til din fordel, kan du søke om å få dekkar vesentlege og nødvendige kostnader. Du må søke om dette innan 3 veker etter at klagevedtaket kom fram til deg.</p>
Kven kan klage på vedtaket?	<p>Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.</p>
Kvar skal du sende klagen?	<p>Du må adressere klagen til ED, men sende han til NVE. E-postadressa til NVE er: nve@nve.no.</p> <p>NVE vurderer om vedtaket skal endrast. Dersom NVE ikkje endrar vedtaket vil vi sende klagen til ED.</p>

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.